

PENGHARGAAN

Dengan segala hormatnya penghargaan ini ditujukan kepada Prof. Madya Dr. Hussain Mohamed selaku penyelia kepada saya ketika menjalankan latihan ilmiah ini. Saya ingin mengucapkan terima kasih kerana sudi meluangkan masa untuk memberikan pendapat serta membetulkan latihan ilmiah saya.

Begitu juga dengan responden-responden yang berada di sekitar Kuala Lumpur ini, terima kasih di atas kerjasama yang telah diberikan. Tidak lupa juga kepada agensi-agensi dan badan-badan tertentu yang terlibat secara langsung atau tidak langsung untuk menjayakan latihan ilmiah saya ini.

Akhir sekali saya ingin mengucapkan terima kasih juga kepada kawan-kawan yang turut membantu dari segi mengemukakan pendapat dan dorongan semangat agar latihan ilmiah ini dapat ditamatkan.

Ahmad Nizam Bin Norali

Jabatan Antropologi Dan Sosiologi

Universiti Malaya

Kuala Lumpur

Februari 1992.

SINOPSIS

Latihan ilmiah ini adalah merupakan satu kajian mengenai budaya politik kelas menengah Melayu. Tujuan kajian ini adalah untuk menganalisa dan mengetahui corak budaya politik golongan kelas menengah Melayu khususnya yang terdapat di sekitar Kuala Lumpur. Jadi untuk memberikan gambaran yang jelas dan sistematik, latihan ilmiah ini dibahagikan kepada beberapa bab.

Bab pertama memberi satu pengenalan umum mengenai objektif dan perlambangan kajian ini. Ia juga membincangkan kaedah yang digunakan dan masalah-masalah yang dihadapi semasa kajian.

Bab kedua membentangkan definisi dan konsep mengenai budaya politik. Bab ini juga menyentuh tentang model-model budaya politik yang digunakan oleh sarjana-sarjana tertentu.

Bab ketiga pula menyentuh tentang teori-teori dan konsep-konsep mengenai kelas menengah. Sejarah perkembangan dan penulisan-penulisan dari sarjana barat juga ada dibentangkan.

Selanjutnya dalam bab keempat, dibincangkan hasil analisa dan kajian yang dilakukan terhadap responden. Analisa berkenaan adalah mengenai budaya politik mereka dari sudut orientasi pengetahuan, perasaan dan penilaian mereka terhadap

sitem politik, 'input', 'output' dan diri sebagai peserta.

Dalam bab akhir, dinyatakan kesimpulan kajian dan ringkasan penemuan mengenai kajian ini.